

Кузь нэм да бур шуд!



Эжа йывлөн слава

Людмила Николаевна Сметанина

Чужис 1947 вося апрель 25 лунö Кулөмдиньн. Коми пединститут помалом бөрн 15 во уджаліс Инта районлөн Петруньса школан велөдысьөн, завучөн, директорөн, вит во - Кулөмдинса школан велөдысьөн, роноөн веськөдлысьөн, сесся пенсиядзис бара веськөдліс Петруньса школабн. Сэні бөрйылісны сиктсөветса депутатөн.

Быдтіс да велөдіс кык челядьос.

Бур уджысь сетісны РСФСР-лөн народной просвещениеса отличниклысь ним, «Уджывса ветеран» медаль.

Өні шойччөг вылын, олө Кулөмдиньн.



Дардлар

Эжа йывса войтырлөн газет

Петö 1929 восянь

Воторник, 2011 вося август 16 лун 99 (10374)-өд №

Нянь дорö

шырьд

век волö

(коми шусьөг)

ТÖДÖЙ, МЫЙ ВЫЛЫС

МЕДБУРА ПРУПТ

«Монди СЛПК» улö пырысь предприятиеяс тавося сизим тöлысьөн заптисны 523,8 сюрс кубометр вөр, кольөм вося дінö 89 процент.

Медся уна, 216,5 сюрс кубометр, кольөм вося дінö 110,7 процент, заптис да кыскис «Монди лесная компаниялөн» Кулөмдинса филиалысь Пруптса юкөн. Кольөм вося мында, 125,3 сюрс кубометр, заптис Верхне-Вычегодской филиал.

КОЛЬЧИСНЫ ИЧÖТЪЯС

Сизим тöлысьөн районьн вöчисны 39,1 сюрс кубометр пиломатериал, кольөм вося дінö 68,2 процент.

Гырысь предприятиеяс уджалісны кольөм воесь бурджыка. «Белый В.В.» пилитис 18,5, «Комилесбизнес» - 6,5, «Оптималес» - 4,2 да «Помöсдинса лесхоз» - 2,4 сюрс кубометр тьöс-плака. Бөрö кыскисны ичöt котыръяс, пилитисны кольөм вося дінö сöмын джынсö.

ЛОÖ АВГУСТ 19 ЛУНÖ

Коми республикалы 90 во тырöм паськыда пасьясны миян районьн.

Тайö ыджыд празникыскöд йитöдын вöліны нин август 13 лунö футболысь, сьöкыд атлетикаысь, пызанывса теннисысь ордйысьöмъяс. Август 15-19 лунъясь районса шөр больнична нуöдас дзоньвидзалунлысь лунъяс. Август 20 лунö «Йöзлөн олөм пыр Коми республикалөн да Санкт-Петербурглөн йитöдъяс» темабн лоö видеоконференция, коді йитлас Санкт-Петербургöс, Сыктывкарöс, Интаöс да Кулөмдинöс.

Коми республикалы 90 во тырöм миян районьн пасьясны август 19 лунö. Районса культура керкаын 17 часянь лоö «Чужаниной, сьöлөмшөрöй» кыпыд гаж.

ЙИТЧЫЛІСНЫ МЕДВОДДЗАЫСЬ

Август 11 лунö Коми республикаын медводдзаысь вöлі видеобрифинг, коді йитліс районьясса администрациясын уджалысьясöс.

Сёрнитисны республикаöс юөръясөн могмөдөм да сылөн аския лун йылысь. Петкөдчисны 14 карысь да районьс. Кулөмдинса студияын вöліны районса юралысь Д.А.Шатохин, районса администрацияөн веськөдлысьöс вежысь А.И.Федюнёва, районса администрацияысь право да кадръяс юкөнөн веськөдлысь Н.Л. Романова да «Парма гор» газетса главной редактор В.Г.Лодыгин.

Колö тöдчöдны, мый Кулөмдин район паськыда пырöдчö юөръясөн могмөдан уджö. Лöсьöдöма районьн юөръяс сетан котыр сөвмөдан комиссия, кодөн юрнуөдö районса юралысь Д.А.Шатохин.

ТУПКИСНЫ ПЛЯЖЪЯС

Помасис тавося купайтчан кад.

Ичöt суднояс инспекциялөн Кулөмдинса участок август 5-өд лунсянь тупкис Кулөмдинысь да Кебангельысь гождйöдчанинъяс. Неминучаяс эз вöвны.

Асланым да общ. корреспондентъяс.



Юрий Андреевич Морозин (снимок вылын) ас кадö веськөдліс «Вочевской» госпромхозөн да «Вочевской» совхозөн. Кор тупкысис бөръяыс, котыртіс ассьыс предприятие. Уна во нин заптö вөр, вöчö пиломатериал. Районлөн программа серти могмөдö донтөм пескөн найöс, кодъяслөн эмöсь кокньöдъяс, дасьтö сиктса администрациялы вөр, дзоньтасяны да стрöитчыны пиломатериал. Заптö пес школалөн шонтанинö. Сиктса администрациякөд сёрнитчөмөн дзоньталö сиктса туйяс. Предприятиеяс пыр уджалö 12 морт. Тöвнас вөр заптөгөн лыдыс содлö.

Эм Улыс Вочын аслас магазин, могмөдö сёян-юанён да промышленной тöварьясөн.

Иван ТАРАБУКИН.

КОМИ РЕСПУБЛИКАЫН

ВИЧМАС 500 МИЛЛИОН ШАЙТ



Коми республикаса юралысь Вячеслав Гайзерлөн кывъяс серти, «Народной фронтö вöзйöмъяс вайöны нин бурторъяс: Коми республикаын социальной объектьяс кышөдөм вылö торйодасны 500 миллион шайт».

Та йылысь юралысь шуис август 13 лунö, кор Сыктывкарын восис Ставроссияса Народной фронтö кандидатъяс кузя гөлөсуйтöм могысь шөр площадка. Сійöс восьтіс Ставроссияса Народной фронтлөн регионьс координируйтан сөветса кывкутысь котыртысь, республикаысь Госсөветса председатель Марина Истиховская. Сійö пасйис: «Республикаса олысьяс, общественной котыръясö да бизнесö пырысьяс Народной фронтлөн Народной программаö чукөртисны матö 300 вöзйöм. Найö пырасны кызди регионлөн, сідзи и федерациялөн Народной программаясö. Став вöзйöмсö Народной фронтлөн регионса координируйтан сөвет юкліс блокъяс вылö. Найö йитчөма-

ось Коми республикалысь экономика сөвмөдөмкөд да йöзöс социальной дорйөмкөд».

Марина Истиховская эскөдіс, мый Народной программаö став вöзйöмсö босьтасын тöдвөлө мөд во кежлö республикалысь бюджет лöсьөдигөн.

Шыөдчан кывъясөн сёрнитөм бөрн Марина Истиховская, кызд Ставроссияса Народной фронтö кандидат, мероприятиесö корис нуодны Коми республикаысь Общественной палатаса исполнительный директор Галина Кравченколы.

Та бөрн чукөртчөм кандидатъяс, бөрйысь йöз да общественной котырö пырысьяс дорö шыөдчис республикаса юралысь Вячеслав Гайзер. Сійö торйөн тöдчөдіс, мый сёрнитö оз кызди став йöзөн гөлөсуйтан кандидат, а кызди республикаысь медвылі должностья морт - Коми республикаса юралысь. Сылөн кывъяс серти, öткымын вöзйөм вайö нин буртор. Сідз, арся сессия дырйи нин Госсөветса депутатъяс пыртасын тавося бюджетö вежсьöмъяс. 500 миллионьс унджык шайт мунас Коми республикаын социальной объектьяс кышөдөм вылö. Вячеслав Гайзер нöшта öтчыд казтыштіс Коми республикаöс сөвмөдөм кузя «Стратегия-2020» медшөр документтысь пасйөдъяс. Медводдза мог - 2020 во кежлö мед Коми республика лоис Российской Федерацияын юрнуөдысь регионъяс лыдын. Удждон кузя миянлы колö лоны странаса медбур вит регион лыдын.

Александр КУЗНЕЦОВ, Госсөветса депутатъяслөн «Единая Россия» котыряс сөветник.

МЫЙ МЕДОНА



Кулөмдинса олысь, Чернобыльё ветлысь

Владимир Аркадьевич Попов:

«Шулөны тай, мужиклы пө олөмас колө садитны пу, кыпөдны керка да быдтыны пиёс. Менам талун колис өти мог: выль керкаёс вайөдны помөдз».

ЙӨЗЛЫСЬ КОРӨМЪЯС ЗБЫЛЬМӨДӨМӨН

Юалөмъяс вылө вочавидзө районса администрацияөн веськөдлысьёс вежысь Наталья Анатольевна ЛЕВЧЕНКО.

- Онй өна сёрнитөны бурдөдан юкөн-лысь удж выль ногөн котыртөм йылысь. Мыйын сийө петкөдчас да мый ваяс йөзлы?

- Вежсьөмъяс лоасны сы могысь, медым бурмөдны йөзөс бурдөдөм. Та могысь колө, медводз-кө, ёнмөдны бурдөдчанинъяслысь материальной подува, а сідзжө пыртны юортан өнй системаяс, отсөг сетан стандартъяс. Ставнас вежсьөмъяс вылө 2011-2012 восян районын урчитөма торйөдны 51 миллион кымын шайт федерациялөн да 2 миллион гөгөр шайт районлөн бюджетъяс.

Материально-технической подува ёнмөдөм могысь 2011 воын вужвийөн дзоньталасны районса шөр больничайсы хирургия, реанимация да анестезиология юкөнъяс. Вужвийөн дзоньталөны бурдөдчанинъяс Дереванной сиктын да Керчомъян. 2012 воын вужвийөн жө дзоньталасны Помөсдинса поликлиника да челядлы юкөн, а сідзжө дзоньталасны Пожөгса бурдөдчанин. Кык воён районлы воас 36 миллион шайт дон бурдөдчан оборудование.

Юортан өнй системаяс пыртөм - тайө бурдөдан услугаыс сетөм кузя сідз шусына персонализируйтөм учёт лөсьөдөм, мортлысь электронной бурдөдчан карта пыртөм, врач динө электроника отсөгөн гижсьөм, бурдөдчөм кузя юөръясон компьютер отсөгөн вежсьөм, а сідзжө сы отсөгөн документъяс лөсьөдөм да нуөдөм.

Услугаяс сетөм кузя стандартъяс пыртөм - тайө йөзлысь дзоньвидзалун видзөм да социальнөя сөвмөм кузя Российской Федерацияса министерствоөн вынсьөдөм стандартъяс вылө вочасөн вуджөм.

Сәні, көні абуөсь фельдшерской пунктъяс, мөвпавсьө велөдны кывкутысь мортөс, кызди сетны аслыд да йөзлы отсөг.

Бурдөдчан юкөннын вежсьөмъяс - тайө абу сөмын унапөлөс бюджетъяс йөзөс бурдөдан юкөнө сьөм вуджөдөм, а бура мөвпыштөм быдлунъяс удж, кодй бур боксынь төдчас мортлысь дзоньвидзалун ёнмөдөм вылө да содтас йөзлысь лыд.

- Кызди могмөданныд лекарствоясон?

- Йөз, төдөмысь, казялысны, мый боръя кадө лекарствоясон могмөдөм бурмыштис. Районса аптекаёс вузалөм вылө найө вооны быд вежон. Көні абуөсь аптекаёс, лекарствоясон могмөдөны фельдшерской пунктъясын, сәтшөмысь районнын 22. Та вылө лицензия эм 15 пунктлөн. 2011-2012 восян татшөм позянлун лоас нөшта сизимлөн.

Коми республикаын йөзөс, кодъясөс пыртөма государственной отсөг босьтөм кузя федерациялөн регистрө, да кодъяс эз борынтны социальной услугаыс сетөм, лекарствоясон да мукөд бурдөдчанторъясон (рецепт серти) вичмөдөм, могмөдө «Коми республикалөн государственной аптекаёс» государственной унитарной предприятие. Сийө ачыс урчитө кокнөд серти рецептъяс сеталанн да сеталанног. Районса администрация шыөдчылысь предприятие дорө, медым содтасны кокнөд серти лекарствоясон могмөдысь аптекаёс лыд, но сийө эз мун воча. Та вөсна

лекарствояс местаяс вылөдз вайөны да могмөдөны йөзөс фельдшеръяс.

Коми республикаса правительстволөн Коми республикаын 2011 воын йөзлы дон босьтөг медицинский отсөг сетан программа йылысь постановление серти урчитөма, мый стационарной медицинский отсөг йөзлы сетсьө висьмигөн, отырышъя висьөм ёсьмигөн, отравитчигөн, доймигөн, нөбасигөн мыйкө лоигөн, кага вайигөн, рушкүса кагаысь мездзисигөн, а сідзжө кага вайөм бөрүн коставлытөг видзөдигөн. Врачлөн кывкөртөд серти морт вермө ачыс нөбны сылөн видзөдлас вылө бурджык лекарствояс.

- Кызди мунө велөдчан во кежлө дасътысьөм?

- Велөдчанинъяслысь материально-технической подува ёнмөдөм, найөс дзоньталөм вылө 2011 воын торйөдөма 10 миллионы унджык шайт. Вөчөма унатор, но унатор жө и вөчтөмысь. 74 велөдчанинъяс кызвынсьө колө дзоньтавын вужвийөн. Откымынлаын колө лөсьөдны бур ваон могмөдөм, мукөдлаын вөчны унатор быысь видзчсьөм, сөстөмлун лөсьөдөм могысь. Колө нөбны мебель, оборудование, челядъөс новлөдлөм вылө автобусъяс. Тайө могъясө олөмө портөм вылө районса юралысь вынсьөдис постановление да мероприятиясысь план. Ставысь мунө график серти. Сентябрь 1 лунө быд велөдчанин дасъ лоө челядлөн воигкежлө.

Челядъөс новлөдлө 10 школа 21 автобусөн. Такөд йитөдын директоръяслөн содтөд уна төждлун: колө дзоньтавын автобусъяс, котыртны водителъясөс рейсө петөм водзвылын да борас медицина боксынь видзөдлөм, кутны йитөдъяс туй вылын пөрадок кутысьяскөд да с.в. Быд во нөбам выль автобусъяс. Та во республикалөн бюджет весьтө найөс нөбам Помөсдинса да Немдинса школаёс.

Сентябрь 1 лунсянь вөссыя Ягкөджда выль школа. Та во вет улөдз вайөдасны Мысса школа-сад да эштөдасны 2012 воын. Районса юралысь Дмитрий Александрович Шатохин ыджыд кывкутөмөн уджалө выль стройбаяс кыпөдөм да водзаясөс эштөдөм вылын Госсовета депутатъяскөд отув. Та вөсна и эмөсь бурланьө вежсьөмъяс.

- Мый вөчсьө, медым вөсътны содтөд местаяс садъясын?

- Районса юралысь вынсьөдис 2011-2012 восян садъясын содтөд местаяс лөсьөдөм могысь мероприятиясысь план. Кебанъельса «Сказка» садйын содис 20 места, Помөсдинса 4 номера садйын - 15, 5 места содас Кужйын. Корсям позянлунъяс, медым содтыны 2012 воын содтөд 15 места Вөльдина школа-садйын да та мында жө Тимшерын. Некодз бергөдчыны выль садтөг юриктын. Та вөсна лөсьөдасны документъяс, медым эштөдны 95 места вылө сад либө кыпөдны выльөс. Артавьсө вөчны вөвлөм начальной школаысь сад Паспомын, вөсътны 40 места вылө школадзса котыръяс да «Голубок» сад Кулөмдинын. Ковмас республикалөн отсөг.

МИЯН ИНТЕРВЬЮ



- Колөны и спортлөн стройбаяс...

- Кулөмдинын колө спортивной комплекс, сы вөсна мый спорт райдетысь йөзысь зөв уна. Сөмын челядлы да томъясы спортивной школаын бергөдчө 825 морт, а өд эмөсь на и вертсьө йөз. Дзик Кулөмдинын спорткөд ёртасыны окотитысь 300 морт. Ворсан да ёнмөдчанинъяс оз тырмыны, найө дзескыдсьө. Та вөсна спорт колана ногөн сөвмыны оз вермы.

Талун кежлө Кулөмдинын кык спортзал. ДЮСШ-лөн зал оз вочавидз талунъя корөмъясы, колө дзоньтавын вужвийөнысь. Школаалөн спортзалө поэво волыны сөмын урокъяс бөрүн, а ордысьсьөмъяс нуөдны, велөдчөм падмөдөмөн, субөтаясын.

Велөдчан во чөжөн Кулөмдинса ДЮСШ нуөдө районлөн тшупөда матө 50 ордысьсьөм, шымыртө матө 20 сюрс мортөс. Таысь өдтор, матө 20 ордысьсьөм котыртө районса администрациялөн спорт да туризм юкөн (өти сюрс морт), 15 ордысьсьөм - Кулөмдин сиктса администрация (300 морт), матө 30 ордысьсьөм - том йөзлөн юкөн (500 морт).

Медым сөвмөдны спорт да ёнмөдны йөзлысь дзоньвидзалун оз сөмын Кулөмдинын, но и районнын, колө спорткомплекс, көні эськө вөліны баскетболысь, волейболысь, пызанывьса теннисысь, ичөт футболысь ворсан, аэробика, фитнес да бурдөдчан физкультура нуөдан, а сідзжө район да республика тшупөда ордысьсьөм нуөдан залъяс. Спортлөн аския лун йылысь мөвпалөмөн, отув уджалам республикакөд, шыөдчим сідзжө Госдумаса депутат Е.А.Самойлов динө. Комплексы местасө бөрийөма нин Ленин нима улица вылысь. Сәні поэво суткиөн бергөдчыны 700 сайө мортлы.

- Доннын сотчис клуб, кывсьө, мый лоас выль. Колө дзоньтавын клубъяс да культура керкаёс. Тайө юкөннын зөв жө уна удж...

- Збылысь. Культураса 67 керкаысь да клубысь 26-сө колө дзоньтавын вужвийөнысь, а 10-ыс киссян выйын. Сы вөсна мый абу сьөм, сөмын дзоньтасъшытөны. Пөшти быдлаын сувтөдөма быысь доръян автоматической юортусы, вежлалөны электропроводка.

Колө пайыны Парчса да Диасерьяса юралысьяс Р.И.Лодыгинлысь да А.А.Поповалысь зильөм, кодъяс, местаяс вылыны позянлунъяс корсьөмөн, районса администрациялөн отсөгөн вөсътисны выль шойччанинъяс да гажөдчанинъяс. Кутам лача, мый тайө

туйвизь сертиыс уджаласны и мукөд.

Тайө юкөнас отсасыө республика. Сылөн бюджет весьтө эштөдасны районса да Помөсдинса культура керкаяс вужвийөн дзоньталөм. Та во лөптасын Доннын клуб. Немдинын клуб лөптөм урчитөма 2014 во кежлө. Та во сідзжө вежасын Тимшера клубысь вевтсө. Ёртасыөм йылысь сёрнитчөм серти сьөмөн отсалис «Монди Сыктыварса ЛПК».

Кызди и республика пасьта, культураөн могмөдөм оз вочавидз йөзлөн корөмъясы. Медсясө сы вөсна, мый шойччанинъяс да гажөдчанинъяс абу кыпыдсьө, найөс омөля могмөдөма музыкальной оборудованиеөн, төвъясын найө кодздыдсьө да с.в. Сидзсө культуранын уджалысьяс асыныс делөнысө бура төдысь йөз. Эска, мый тавосья ноябрын миян Эжва йыв бура петкөдчас Коми республикаын Кулөмдин районлөн культура лунъяс дырйи.

- Кызди овсьө районса ветеранъяслы?

- Талун районнын Великой Отечественной война вылө ветлысь 17 морт, салдатлөн 121 дөва, концлагерын пукавлысь өти да Ленинградса кытшын вөвлөм нөль морт, а сідзжө тылса 515 уджалысь. Кызди вермам, сідзи и отсалам налы. Апрельын-майын да «Бур вөчан төлысь» дырйи на динө гортөдзныс волөны велөдчысыя, пелькөдчөны, идралөны өшинюв, бергөны му, пуктысьөны, дзоньтасыөны да с.в. Колөм воын тадзи отсалөма 51 мортлы, дзоньталөма усьөмъясы сувтөдөм 22 пас.

Великой Отечественной война са ветеранъяс ветлөны шойччыны да ёнмөдчыны Максаковка да Серёговоө. Гортөдзныс ветлөмөн сетөны отсөг войнаса куйлысь ветеранъяслы да ыджыд арлыдаясы медицинаса уджалысыя. Найө гөгөрбок видзөдлсны став ветеранөс. Тыврыйө могмөдөма лекарствоясон федерациялысь да республикалысь кокнөд босьтысыясөс.

2010 да 2011 восян мунис бур вөчан «Ми - Великой Победалөн йылөм» марафон. Ветеранъяс райсоветлөн тшөт вылө колөм воын воис 538 сюрс шайт, та во - куим пөв этшаджык. Сьөмсө юклім медсясө отка йөзлы. Сийө мунис керка вевтъяс, пачьяс, джоджъяс, подувъяс дзоньталөм вылө. Откымын администрацияын та могысь лөсьөдлсны торъя котыръяс.

Ветеранъяслы отсөг сетисны районнысь став предприятиеяс. Марафонлөн тшөт вылө сьөм вуджөдөмысь өдтор найө вичмөдисны козинъяс, сёян-юан, вежлалисны счөтчикъяс, дон босьтөг сетисны пиломатериалъяс, дзоньтасисны да с.в.

Керка кыпөдөм либө оланнн нөбөм вылө федерация весьтө сьөм вичмөдөма Великой Отечественной война са 52 ветераны.

Төдвылө босьтөма да социальнөя могмөдсьөны тылса отка уджалысыя, кодъясы колө быдлунъя отсөг, но матысыясыс абуөсь.

Ветеранъяслы дон босьтөг судзөдөма «Парма гор» да «Красное знамя Севера» газетъяс.

2010 да 2011 восян сёрнитчөма йөзөс автобусъясөн новлөдлысь котыртлөн советкөд да сиктъяскостса 11 маршрутөд Великой Отечественной война вылө ветлысьясөс новлөдлөны дон босьтөг, а тылса уджалысысөс - мартын, апрельын да майын.

Победа лункөд йитөдын районса юралысь Д.А.Шатохин война вылө ветлысьяслы вичмөдис козинъяс.

ПОЭЗИЯ

Василий ЛОДЫГИН

ГУРҮЙЫВ ВОСЬСА ЭРДЫН

Поль на мырсё бертіс,
Бөрйис аслыс ин.
Гурйив осьса эрдын
Миян чужанін.

Гурйив осьса дзиръя,
Гурйив осьса жыр.
Лёсыялыны вирьяс,
Олысь тась оз быр.

Гурйив осьса сёлөм,
Гурйив осьса лов.
Некод потшөс полон
Коньбөрн оз ов.

Гурйив осьса эрдын
Миян чужанін.
Шонді, гашкө, бердас,
Гортлөн би оз чин.

* * *

Енэжө менө оз кыскы,
Му вылас медся на бур.
Пармаой корнас да лыснас
Енэжсыс некор оз сюр.

Енэжас бипур он песты,
Енэжас лэчтуй он кут.
Абу сэн вуграсян места -
Ме кодлы медыжыд шуд.

Енэжө өшйоны юсыас,
Найө и лэбоны мед.
Визьныс кор син улө усьө,
Окота лолө жө, дерт.

* * *

Көкыс бура дыр на лыддө,
Ачым кыла: эм на вын.
Бурсө виччыся на быттө,
Көть и омольсыс ог мын.

Менлы вылө нэмсө лоө
Парма, ордым, вуж да ув.
Гортө нопйон на век воа,
Йозлысь паньсө ме ог нюв.

Борын некоді оз вөрзөд,
Вермас пурны сөмын морт.
Сылан вөтлысьө ме бөрся,
Сылөн эм жө би да борд.

Мамө челядён на лыддө:
Он пө кывзы кыв ни джын.
Бурсө виччыся на быттө,
Лёксыс некор көть ог мын.

* * *

А мый? И косанас на өвта
Да ог на ныр вылам ме усь.
А мый? И зорөдтө на чөвта
Да ог на лун шөрөдзыс узь.

Ог ошйыс: эбос збыльыс эм на,
И сетө сійөс чужан му,
Од лёксө коркө верми венны:
Ог куритчы и ог ме ю.

Ме азя шыдысь ныр ог бергөд,
Мен медся чөскыд сёркни ва,
А коми сылан сёлөм бердын -
Мен дзолядырсянь масыс ма.

Да, збыльыс зорөдсө на чөвта
Да некор лун шөрөдз ог узь.
Мам шуліс: лысвасө код көвтө,
Морт нэмыс сылөн медся кузь.

* * *

Ме дорө көмөн эн пырөй,
Найтсө эг радейтлы нэм.
Кокнытө прөстмөдны дыр-ө?
Посводзын тяпи од эм.

Ме дорө дозийн эн пырөй,
Винасыс куимыс пот.
Юи кө - важон нин быри,
Сыланө кывьяс эг лөд.

Ме дорө могьясон пырөй,
Отсала кызкө да век.
Омольыс асланыс нырө,
Но од и ме - абу шег.

Ме дорө сыланөн пырөй,
Отлаын кыпөдам лов.
Сёлөмным радлунөн тырө,
Весиг и няныс оз ков.



ЭЖВА
РАЙОНСА ГИЖЫСЬЯСЛӨН
ЛИТЕРАТУРНОЙ ЛИСТ БОК



Керчомъя - энбиа йөзлөн сикт. Эмөсь тан поэтыас и сыланкыв тэчысыас, а медся унаөн - гудөкасысыас. Татөг оз мун ни өти «Пыжа гаж».
Снимок Василий ЛОДЫГИНЛӨН.

КУВТӨМ ОШ

ВӨВЛӨМТОР

Өндрейлы лэчтуйсө кыйны отсаліс кысыкө матыстчөм ош. Некутшөм яндзим тэдтөг нетшкис и нетшкис сёлөясөс. Ыджыд, тонна джынъя кымын. Унаыс нин усыліс синъяс улас, но лыйны эз сюрөдчыв. Эсыкө дыр эз мөвпав, пыр и колснитіс пуляөн. Өти луно Өндрей пуксис пыжө да мөдөдчис кыйны чери. Кылөдчыштөм бөрүн аддзис: ош ыджыд зыкөн чегьяліс юдорса лэч. Скөрмөма мыйысыкө. Гашкө, сёлөлас абу шедөма да сысыс. Өндрей эз петкөдчы, дзесбөмөн видзөдіс, мый лоас водзө. Ош лэччис ю полон да кутіс чегьявны мөд лэч. Өндрей дөзмис, босытис пыж пыдөсыс ружьесө да өтка пуляөн шковгис гөна юрлы морөспань улас. Тыдалө, бура эз веськав, сы вөсна мый ошкыс му вылө усьөм пыдди уськөдчис ю да кутіс варчыны пыжлань. Лыйис мөдыс, но, пыжыс катласис да, буракө, бара ланьтөдмөн эз веськав. Ош пөлөсаліс береглань да кутіс кайны сэтчө. Өндрей, лыйөм пыдди, видзөдіс. Берегыс вөлі ляпкыд да ошкыд здукөн и кайис, кутіс вөтчны морт бөрся видз вывті. Өндрей өддзис да сетчис мөдар береглань, мед, уськөдчас кө юас, пырысь-пыр оз суөд. Дыр виччысыны эз ков, өтвесьтасөм бөрүн ош бара чеччыштис векныдик юө, пыжөдз вөдчыны өти здук. Варчысь зверлы лыйис бара. Ошлы коліс

нин ланьтны, но сійө бара сетчис береглань. Кайигас лыйис нөшта, но ошлы вөлі веськөдч.

«Веськала и быдтор, а мыйла нө оз кув? - мөвпаліс Өндрей. - Көрт сёлөма али мый?»

Веськыдіныс вөлі бура кузь да ош кутіс суны Өндрейсө. Вельтасьөм бөрүн бара уськөдчис юө. Чеччыштігас лыйис да медбөрті ош лигышмуніс. Но недыр мысти кутіс легөдчыны бара. Лыйис нөшта. Ош быдсөн чаррөстіс да кутіс нбөжйоникөн курасыны береглань. Нөшта кө вөлі лыйөма, гашкө, и ланьтыс дзикөдз, но вөралысылөн бырысны пуляа патронъяс. Кык патрон кольліс сөмын вөр керка өшинь вылө. Көтөрөн сэтчө, сөсса бөр ош дорө. Вөлі матын да дыр эз ло. Матыстчигмызыс и лыйис берег вылө кайөм нин да, тыдалө, өна нин мөдөм ошлы. Но сійө эз на кув, мурзис зөв на лёкыс. Өндрей скөрмис дзикөдз да косьөбтіс зөв нин матысянь. Ош легөдыштис на ки-коксө да медбөрті ланьтыс.

Өна и ыджыд вөлі зверыс, быдсөн дзормөма. Госыс весьтысь кызджык. Сійөн и оз вөлөм мөрчыны пуляясыд. Гос пиас легисны еджыд нидзув кодь вегыляс, сөйны яйсө эз позь. Өндрей куліс ошкөс, кусө лэччөдас гортас, а воддза кык лапасө керыштис да өшөдіс вөр керкаас, мед аддзылісны да шензисны татчө волысь өртъясыс. А кызд нө он шензы? Эта ыджда, көкъямысыс лыйөм бөрүн сөмын чергөдчис.

Иван ЛЮТОЕВ.

Керчомъя.

СЕРАМБАНӨН

ЧОЛӨМАЛӨМ

Печканов мөдөдіс газетө чолөмалөм. Ачыс аслыс. Сідз и тадз пө, чолөмалам Печканов Иван Петровичөс юбилейөн, 50 арөс тырөмөн. Сям пө муса верөсөлы да батлыш шуд да быд бурсө. Кор газетыс воис, Печкановлөн гөтырыс да нылыс төкөтбө юрсисө өта-мөдысылыс эз нетшкыны. Өгиыс шуө: ме пө мөдөді чолөмалөмсө, мөдыс ас вылас босьтө. А Печканов сөмын шпынялө. Сійө, небось, төдө, коді збыльылас гижөдтө мөдөдіс! Но кодлы кутшөм делө? Главнойис - чолөмалөма. Став йөз өні төдөны, кызд Печкановсө пыдди пуктөны гөтырыс да нылыс!

- Ланьтөй, өртъяс, - шуө Печканов. - Гижөма и гижөма! Вайлөй, көть видзөдла!

Видзөдліс газеттө, и ... усис шөгө. Лоөма ошыбка. «Иван» пыдди лоөма «Ливан». Тьпу! Ливан Петрович! Колө жө... «Да менө өні быдөн серамө вөйтас, - шөгалө Иван. - Юрьяндзим. Колө жө! Ливан! Бур, мый абу Израиль, коді Ливантө шковгө ракетаясөн. Вот эсыкө вөлі... Гадьяс, уськөдісны став

ловсө. Вот тэныд и юбилей. И кутшөм мути тойыштіс гижны газетас? Кабала тшыкөдысыас. Сійөс, пыдди пуктана мортөс, конйыштисны. Час, петкөдлас налы Ливан!»

Печканов звөнитіс редакцияө. Трубкаө горзис өнакодь. Весиг өрччыштис. Ті пө мый кераньид? Кодөсь али садьсө? Корсянь ме лои Ливан? Кызд вермас лоны коми мужиклөн Ливан ним? Коліс нин пө пуктны Израиль.

Трубка мөдарас эсыкө кодкө лабутнөя корис прөща. Ошыбкасыд пө, нинөм шуны, овлөны. Корректорлы ковмас плешкас сетны, а кодсюрө премиясө воштасны. Эн пө шөгсөй, чолөмалам выльысь.

Печканов шыбитіс трубкасө. Сёлөм вылас эз кокняв...

Коркө бара воис газет. Печканов видзөдліс нельөд лист бок вылас да... кельдөдіс. Вөлі гижөма: «Печканов Израиль Петровичөс 50 вося юбилейөн чолөмалөны гөтырыс да нылыс. Ло шудаөн, миян бур морт!»

Гөтырыс да нылыс кутчысысны кынөмас. Петкөдлөны өта-мөд вылас чуньянас: тэ пө, көнкө, мөдөдін.

Печкановсө шөгөдіс дзикөдз. Паляліс реанимацияын. Восьтіс синсө, аддзө: кодкө сулалө, еджыд халата. Паськыда номъялө.

ӨТИ КЫВБУРӨН

Алёна ЕЛЬЦОВА

ЧУЖАН ЛУН

Тэ бара локтін, менам чужан лун.
Ме талун бара пызан сайын өтнам.
И торыгьяыс - быттө эштөм вөтын,
А аскияыс - быттө топыд ру.

Тэ меным көсийн сэтшөм ыджыд шуд,
Тэ меным өзтін сэтшөм югыд кодзув.
И помтөм туйыс век на корө водзө,
И тулыс аддзө вөтнас турдөм му.

Но меным шөг. И сёлөм вылын нор.
И лымйыс өшинь сайын муса усьө.
И меным чайтсьө - тайө еджыд юсыас,
И найө бара энөвтөны горт...

Сыктывар.

Татьяна ЧЕРТКОВА

ЧУЖАНИН

Быд мортлөн аслас чужанін,
Көн сійө содө, а оз чин.
И медся дона тайө му,
Көн медся лөсыд олан ру.
Тан ловья муса коми кыв,
Көд некор лымйыс моз оз сыв.
Тан радлө, сылө коми морт,
Эм сылөн пельпом саяс борд.
Оз чужанінсө некод өр,
Көть овлө сьөкыд унагор.
Тан бурис унджык, мый көть шу,
Од абу йөз, а чужан му.
Зеленеч.

Александра БЕЛЯКОВА

МАМ

Мен тайө мортис олом сетис,
Көть вөлі сьөкыд, быдтіс-летіс.
Эз лөнылы, сылыс потан дорын
Да менө шаня овны корис.
И быдми ме век кыпыд лола
Да регыд помала нин школа.
И водзө велөдчыны муна,
Мед мыйкө вөчны-шуны.
Ог некор вунөд муса мамөс,
Көд сетис олөмөс и сямөс.
Ярашью.

Алёна МИШАРИНА

ӨВВӨ

Петіс төлысь енэж шөрө,
Эрдыс кодзувьясөн тыр.
Пырис вой нин миян йөрө,
Шебрас улө өдйө пыр.

Куткыртчөмөн паччөр вылын
Узь-мургө Барсик кань.
Синтө кунь жө, ме тэд сыла,
Кутшөм сійө миян шань.

Лабич вомөныс на төран,
Мед жө нэмыд лоө кузь.
Узь жө, менам сёлөмпшөрөй,
Узь жө, менам виртусь, узь.
Кулөмдін.

- Но, Петрович, садьмин? - шуө врачыд. - Повзөдлілн весиг! Дыр на кутан овны, эн шөгсы! А мөдарьягыдыс кутшөм, Петрович?

И мыччө врачыд Иванлы газет. Видзөдліс сэтчө мужик, и... бара воштис садьсө. Вөлі мыйыс. Газетас гижөма: «Ыджыд шөг суис миянөс. Немвиччысьтөг мөдар югыдө муніс миян радейтана верөс да муса бать Печканов Иван Петрович. Синва петмөн жаль. Гөтыр да ныв».

Печкановлөн бөрья думнас вөлі: «Но, көть ним-вичөс дзугтөг гижөмаось...» Садьбө воис дыр мысти. Окота лоис гөтырсө пыр жө нетшкыны юрсисөдыс.

Бөрыннас тыдовтчис со мый. Кутшөмкө Печканов Израиль Петрович збыльыс вөлөма, сійөс и чолөмалөмаось гөтырыс да нылыс. Эзджык удит воны Иванлы сылы сійөм чолөмалөмыс.

А вот «похоронка» кузя «зильөма» Иванлөн гөтырыс. Тэрмасьшптөма лешак машинаыд. Карсянь пө звөнитлісны да шуисны, мый куліс. Ещө пө горт на корисны. «Стерво, - донъялө Иван гөтырсө. - Час, ме тэно асытө чолөмала...»

Өні мөвпалө, кутшөм кывьяс гижны. Колокө, отсыштанныд?

Александр ШЕБЫРЕВ.

Помөсдін.

Поздравляем
Евдокию Александровну Нестерову
с 80-летием!

У Вас сегодня юбилей,
День радостных переживаний,
Пусть будет на душе теплей
От добрых слов и пожеланий.
Желаем счастья и добра,
Здоровья, радости и силы,
Душа пусть будет молода,
Не важно, сколько лет пробило!



С уважением - коллектив учителей
Усть-Куломской средней школы.

Чолмалам
Пожогднысь
Роза (Галина) Егоровна Шебыреваѳс
Ыджыд юбилейѳн, 80 арѳс тырѳмѳн!

Мусаѳй дай мян мамѳй,
Сьѳлѳмшѳрѳй, дыр на ов!
Шуан кыв да, шогным ямѳ,
Нюмдыштан да - югдѳ лов.
Век на тюран пач вом дорѳ,
И век пызан выльд тыр.
Нѳмсѳ мянлы тѳ колан,
Ставлы отсѳг сетан пыр.
Быдтѳн, велѳдѳн, сям сетѳн,
Муѳдз копыр ставсыс тѳд,
Сьѳлѳмшѳрѳй, муса мамѳй,
Колан мортѳн лоан век!



Пыдди пуктѳмѳн - ныв Катя, зять Василий,
внукъяс Егор да Валентин, Шаховъяслѳн семья.

Поздравляем
всеми уважаемого
Александра Александровича Липина
из с.Усть-Кулом с 75-летием!

Дай Бог Вам столько счастья и тепла,
Чтобы на Вас хватило и на близких,
Чтоб жизнь всегда прекрасною была,
Чтоб тяготы и беды не нависли.
И долгих лет Вам, и хороших зим,
И крепкого российского здоровья,
И чтобы каждый, кто душой любим,
Вам отвечал такую же любовью.



Мальцевы, п.Белоборск.

Поздравляем!
17 августа отметит **75-летний юбилей** наш
самый любимый, родной, замечательный муж,
отец, тесть, свѳкор, дед, прадед -
Александр Александрович Липин
из с.Усть-Кулом.

Наш самый любимый,
Родной человек,
Прожил ты немало -
Без четверти век!
Мы страстно желаем:
Хоть жизнь непроста,
В здоровье и счастье
Добраться до ста!
От всей души желаем крепкого здоровья, счастья
и благополучия!



С любовью - жена, дети, зять, невестка,
внучки, внук, правнучки.

Чолмалам
Помѳсдѳн сиктысь муса да дѳна
мамукѳс, ыджыд мамѳс, ичиньѳс -
Янина Константиновна
Пашинаѳс -
70 арѳс тырѳмѳн!

Мусаѳй дай мян мамѳй,
Сьѳлѳмшѳрѳй, дыр на ов!
Шуан кыв да, шогным ямѳ,
Нюмдыштан да - югдѳ лов.
Век на тюран пач вом дорѳ,
И век пызан выльд тыр.
Нѳмсѳ мянлы тѳ колан,
Ставлы отсѳг сетан пыр.
Быдтѳн, велѳдѳн, сям сетѳн,
Муѳдз копыр ставсыс тѳд,
Сьѳлѳмшѳрѳй, муса мамѳй,
Колан мортѳн лоан век!



Тѳнѳ радѳйтѳсыяс - ныв, пи,
внук, внучка, ичиньѳн шусыяс.

АТТЪѳАЛѳМ

Август 14 лунлы паныда войѳ мянѳс суис
неминуча. Гымнѳв лыйис керка бокин сулалысь
турун зорѳдѳ. Торъя аттѳѳ кѳсыам висъставны
орчѳн олысь Евдокия Ивановна Тарабукиналы,
кодѳ казылис ѳзыѳмсѳ да кыпѳдѳс ѳѳѳѳс. Аттѳѳ
ставныслы, кодъяс зѳля локтѳсны да отасисны
кусѳдчыны. Аттѳѳ Кулѳмдѳнса бѳысь видзысыслы,
мый ѳдѳѳ воисны места вылѳ да ѳдѳѳ кусѳдѳсны,
ѳз лѳдзны билы кутчысынь стрѳйбаѳ.

Кузнецовъяслѳн семья.

Ичѳт Куж.

18,19 августа
в РДК с.Усть-Кулом
фирма «Милашка»
предлагает большой выбор
женских
ветровок,
курток, плащей,
пальто.




ООО «ОКНОКОМ»
ОКНА ПЛАСТИКОВЫЕ,
ДВЕРИ ПЛАСТИКОВЫЕ,
ДВЕРИ МЕТАЛЛИЧЕСКИЕ.
Беспроцентная рассрочка до 6 месяцев.
Пенсионерам скидки.
с.Усть-Кулом, ул.Гагарина, 5 (2-й этаж),
Тел.: 8 912 863 29 95; 8 922 272 32 89.

ООО «КОМФОРТ ПЛЮС»
* Пластиковые окна
* Алюминиевые лоджии
* Ремонт квартир
* Замена оконных блоков
* Рассрочка платежа
Пенсионерам скидки.
с.Усть-Кулом, ул.Центральная, д.1 (ПМК).
Тел. 8 912 123 24 07.
г.Сыктывкар, Октябрьский пр., 131/4 (т.ч. «Спутник»).
Тел. 8 912 86 33 278.

ИНФОРМАЦИОННОЕ СООБЩЕНИЕ
Согласно ст. 30 Земельного кодекса РФ администрация МР «Усть-Куломский» сообщает о возможном предоставлении земельного участка в аренду для строительства и обслуживания здания магазина из категории земель населенных пунктов, находящийся по адресу: 168060, Республика Коми, Усть-Куломский район, с.Усть-Кулом, в 40 метрах севернее дома № 40 по ул.Горького. Общая площадь 200 кв. м. Ограничений и обременений участок не имеет.
Заявки принимаются в течение месяца со дня публикации сообщения в газете «Парма гор» с 9 до 13 часов по рабочим дням по адресу: 168060, Республика Коми, Усть-Куломский район, с.Усть-Кулом, ул.Советская, 37, отдел по управлению муниципальным имуществом и земельными ресурсами администрации МР «Усть-Куломский». Контактный телефон: 93-5-30.

КАЗЫТЫЛѳМ
Август 18 лунѳ тырѳ во, кыдзы кадысь
водз мунис мѳдарьѳгыдас мян вок
Иван Николаевич Липин. Мед Енмыс
сетас югыдѳн да шоныдѳн мѳдарьѳ
югыдас. Кодъяс тѳдлѳнныд сѳйѳс, корам
казытыштны мянкодѳ тшѳтш.
Мам, батъ, чѳй, вокъяс да рѳдвуж.



Обрести семью

Этого светло-русого мальчика зовут Николай, скоро ему исполнится 3 года. Он очень самостоятельный человек, улыбочивый, легко идет на контакт с детьми и взрослыми. Коля длительное время жил не в домашних условиях, поэтому очень нуждается в устройстве в семью.



По вопросам усыновления или опеки обращайтесь в отдел опеки и попечительства Агентства по социальному развитию по Усть-Куломскому району. Телефон для контакта: 93-2-14.

<http://ust-kuлом.рф> -
официальный сайт администрации
МР «Усть-Куломский».

Администрация МР «Усть-Куломский» в соответствии с ч. 13 ст. 5 Федерального закона от 20.08.2009г. № 113-ФЗ «О присяжных заседателях федеральных судов общей юрисдикции в Российской Федерации» (далее - Федеральный закон) информирует граждан Усть-Куломского района о **проведении работы по изменению списков кандидатов в присяжные заседатели для Верховного суда Республики Коми и Ленинградского окружного военного суда на 2009-2012 годы** и предоставляет возможность ознакомиться со списком кандидатов в присяжные заседатели в отделе правовой и кадровой работы администрации МР «Усть-Куломский» и обратиться с письменным заявлением об исключении из списков кандидатов в присяжные заседатели, исправлении сведений о кандидатах в присяжные заседатели в соответствии с частью 2 статьи 7 Федерального закона.
Телефоны для справок: 94-7-66, 94-3-40.

Утерянный аттестат о среднем образовании на имя Ильченко Кирилла Владимировича, выданный в 2003 г. Кебанъѳльским СОШ, считать недействительным.

ИНФОРМАЦИОННОЕ СООБЩЕНИЕ

Согласно ст. 30.1 Земельного кодекса РФ администрация МР «Усть-Куломский» сообщает о возможном предоставлении земельных участков в аренду из категории земель населенных пунктов:

1) участок № 1, целевое назначение - для строительства, обслуживания индивидуального жилого дома и ведения личного подсобного хозяйства, находящегося по адресу: 168060, Республика Коми, Усть-Куломский район, с.Усть-Кулом, местечко «Пятигорск», участок № 12, в 90 метрах севернее дома № 21 по ул.Сосновая. Общая площадь 2025 кв.м. Ограничений и обременений участок не имеет.

2) участок № 2, целевое назначение - для строительства, обслуживания индивидуального жилого дома и ведения личного подсобного хозяйства, находящегося по адресу: 168066, Республика Коми, Усть-Куломский район, с.Кужба, граничащий с южной стороны с земельным участком дома № 80 по ул.Центральная. Общая площадь 400 кв.м. Ограничений и обременений участок не имеет.

Заявки принимаются в течение месяца со дня публикации сообщения в газете с 9 до 13 часов по рабочим дням по адресу: 168060, Республика Коми, Усть-Куломский район, с.Усть-Кулом, ул. Советская, д. 37, отдел по управлению муниципальным имуществом и земельными ресурсами администрации МР «Усть-Куломский». Телефон для справок: 93530.

ПРОДАЮ

SSANG YONG ACTYONS SPORT легкой, бортовой, 2010 г.в, цв. серебр., лит. диски, магнитола (MP3), МКПП, гарантия, КАСКО, пробег 9000 км, сделано 1 ТО, без аварий. **Цена 630 тыс.руб.** или **МЕНЯЮ на продукты питания.**
УАЗ-390945, 2010 г.в.цвет защитный, пробег 70 тыс.км, кабина*2. **Цена 270 тыс.руб.** Рассмотрю все варианты. Возможен торг.
Тел. 8 912 863 6276.

Совет сельского поселения «Деревянский»
РЕШЕНИЕ

20 июня 2011 г. №11-23/101
О внесении изменений и дополнений в решение Совета сельского поселения «Деревянский» от 16.11.2005 г. № 1-2/14 «О земельном налоге»

В соответствии с пунктом 10 статьи 396 Налогового Кодекса Российской Федерации, Совет сельского поселения «Деревянский» решил:

1. Внести следующие изменения и дополнения в решение Совета сельского поселения «Деревянский» от 16.11.2005 года №1-2/14 «О земельном налоге»:

1) пункт 7 изложить в следующей редакции: «Налогоплательщики, имеющие право на налоговые льготы, должны представить документы, подтверждающие такое право, в налоговые органы по месту нахождения земельного участка, признаваемого объектом налогообложения. В случае возникновения (прекращения) у налогоплательщиков в течение налогового (отчетного) периода права на налоговую льготу исчисления суммы налога (суммы авансового платежа по налогу) в отношении земельного участка, по которому предоставляется право на налоговую льготу, производится с учетом коэффициента, определяемого как отношение числа полных месяцев, в течение которых отсутствует налоговая льгота, к числу календарных месяцев в налоговом (отчетном) периоде. При этом месяц прекращения права на налоговую льготу, а также месяц прекращения указанного права принимается за полный месяц.
2. Настоящее решение вступает в силу со дня его официального опубликования в газете «Парма гор».

Глава сельского поселения «Деревянский» **ГУЛЯЕВА Г.В.**

ИНФОРМАЦИОННОЕ СООБЩЕНИЕ

об итогах открытого аукциона по продаже земельного участка

Администрация МР «Усть-Куломский» сообщает о том, что в соответствии с протоколом № 1.2-2011 от 5 августа 2011 года в 11.00 часов по адресу с. Усть-Кулом, ул.Советская, д. 37, администрацией муниципального района «Усть-Куломский» был проведен открытый аукцион по продаже земельного участка.

Открытый аукцион считается состоявшимся, так как заявки на участие в аукционе поданы двумя участниками. Заявки соответствуют требованиям, указанным в информационных сообщениях в газете «Парма гор» от 5 июля и 12 июля 2011 года.

Наименование имущества (объекта недвижимости)	Площадь кв.м.	Место нахождения
Земельный участок из категории земель населенных пунктов с кадастровым № 11:07:42 01009:109 для строительства и обслуживания здания магазина со встроенной автобусной остановкой в с.Усть-Кулом	200	168060, Республика Коми, Усть-Куломский район, с.Усть-Кулом, ул.Ленина.

Победителем открытого аукциона признан участник под номером 1 — общество с ограниченной ответственностью «Инвестком-П», с установлением цены стоимости земельного участка 858600,00 руб. (восемьсот пятьдесят восемь тысяч шестьсот рублей) без учета НДС.

ПЕТѳ ВОТОРНИКѳ, ЧЕТВЕРГѳ ДА СУБѳТАѳ.

Редакциялѳн адрес: 168060, Кулѳмдѳн,
Ленин нѳма улѳча, Печать керка.

Редакциялѳн расчѳтнѳй счѳтыс -
407 038 104 280 441 000 28

Сыктывкарса 8617 номера Коми ОСБ-ын.
ИНН 1114000824

E-mail: sden2011@yandex.ru

Публикация материалов по освещению реализации социально значимых проектов осуществляется при государственной поддержке в форме субсидии Агентством Республики Коми по печати и массовым коммуникациям.

Главнѳй редактор - 94-5-77; редакторѳс вежысь - 94-8-64; бухгалтерия - 93-9-34 (факс); реклама юкѳн, корректор, социальнѳй проблемаяс да письмѳяс юкѳн - 94-5-80 (факс); экономика юкѳн - 94-8-65; компьютернѳй юкѳн - 94-3-60.

Газет регистрируйтѳма Коми республикаын связьлѳн, юѳр сетан технологияслѳн да массѳвѳй коммуникацияслѳн юкѳнын видзѳдан федеральнѳй службалѳн управлениеѳн. Рег. номер - ПИ № ФС 3-0447.

Заказ 3214. Тираж 2750. Индекс 52062. Объѳм 1 п.л.

Доныс взуѳс вылѳ сѳрнитчѳм серти.

Поступающие материалы редакция не возвращает,

перевод на коми с автором не согласовывает.

публикации проектов осуществляется при государственной поддержке в форме субсидии Агентством Республики Коми по печати и массовым коммуникациям.

Главнѳй редактор
В.Г.ЛОДЫГИН.

Кырымалѳма печатъѳ 14 часын.

График серти - 14 часын.

Учредительяс:

«Кулѳмдѳн» муниципальнѳй котырса муниципальнѳй районлѳй администрация, Коми республикаса печатъѳлѳн да массѳвѳй коммуникацияслѳн агентствѳ, «Кулѳмдѳн» муниципальнѳй котырса муниципальнѳй районлѳй «Парма гор» газет редакция» автономнѳй учреждение.